

Don Giovanni Maria Dettori

LAGRIMAS E SAMBENE

2° premio (Logudorese)

Terra brujada est custa e d'est bocchende
semen in sinu e brios in sas venas.
Lagrimas cheret? Millas: semenadas
in sa bertula boida, in su cascione
pienu 'e miseria, in sa banca nuda,
tra ossos covacados solu 'e pedde
de 'accas, d'airveghe moribundas.

Dànnos s'abba, Signore, dànnos s'abba!...

Dadu chi non b'ha nues in s'aera,
pìgache sas feridas, sos turmentos
d'ogni pastore: non sun, forsi, nues?

E si non bastat, ca nois semus malos,
che lea de sa terra sas calpidas,
su piantu de sos ratos isfozidos
sa mutria de rizolos e funtanas,
sas bélidas de anzones primadios,
de sas Mamas sos rànchidos suspiros

e torren a sa terra, fattos abba,
abba serena, limpia, generosa.
Tudden in birde pâmentu sas tancas:
bidemus in dogni 'ena, in dogni foza,
un'utieddu de su samben nostru,
una lagrima nostra in dogni pane!

LACRIME E SANGUE

Terra bruciata è questa e sta uccidendo semi nel (suo) seno e brio
nelle (nostre) vene. Vuole lacrime? Eccole: seminate nella bisaccia
vuota, nella madia piena di miseria, sulla mensa nuda tra ossa co-
perte di sola pelle di vacche e di pecore moribonde.

Dàcci l'acqua, Signore, dàcci l'acqua!...

Poiché il cielo non ha nuvole porta in alto le ferite, i tormenti di
ogni pastore: non sono, forse, nuvole?

Se ciò non basta, perché siamo cattivi, porta in alto le crepe della
terra il pianto dei rami sfrondati il silenzio di ruscelli e di sorgenti,
i belati di agnelli primaticci, i sospiri amari delle mamme

e ritornino sulla terra trasformati in acqua, acqua serena, limpida,
generosa. Si rivestano di verde pavimento le tanche: possiamo vedere
in ogni stelo, in ogni foglia una stilla del nostro sangue, una lacrima
nostra in ogni pane!